



наведи телефон

Лүимә сэрипос

21.08.2025
№ 16 (1346)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru



**Ты
номерт
ловиньтэн:**

Мәхумыт сав
мәныл олсыт

► 2

Сыстам мәньци
павылкве

► 6

Султум

► 7-10

Лүимәныл
олум хөтпат
пуссын пилтәлыг
хөнтлысыт ► 11

Мә-вит үргалан мә
вәт тәл рүпиты

► 12-13

Опам хөнтлум
мәт сакватавес

► 16

Тынакт Ханты-Мансийскат савсыр мирыт акван-атхатым мүйлысыт. Хурит Ханты-Мансийск үст олнә мәньци әги Любовь Мерова, Красноярский край ёрныл ёхталам ёрн пыг Севостьян Яр ос Ненецкий автономный округныл олум ёрн әги Юлия Талеева пёслым олэгыт. Тән дипломатия тәлан ханищтавёсыт ос вёртур этпос онтолов хөталә Мә янытыл мощцаг хультум мирыт ялпың хөтал янытласыт. Ты бовылтыт 4 лөпсыт ловиньтэн.

Мāхумыт сāв мāныл олсыт

Ханты-Мансийск ұсыт тамле лātңыл
намтым вāрмалъ «Коренные
малочисленные народы России. Школа
общественной дипломатии» блыс.

Ты тāl вāt хōтпат Ханты-Мансийскан вōвиньтāl-вёсыт. Тāн пēриявёсыт ос ханищтавёсыт. Мāхумыт Россия янытыл сāвсыр мāнь мāныл олэгыт. Ты ханищтап мāнылат мāхум ёт рўпитан ос МГИМО МИД России, КМНС общественный организацият, ФАДН России вāрыглавес. Тāн пуссын «Норникель» нампа колпāлыл нётавет.

Институтт ЮГУ ханищ-тан мāt «Точка кипения» Неконференция «Лучшие региональные практики по сохранению родных языков и культуры коренных малочисленных народов Севера в Югре» ёмталас.

Сāвсыр хōтпат мāхумыт мāгыс потыртасыт:

Тот газетаг вāрнэ кол кўщай нэ **Надежда Алексеева** такви рўпататэ «Ханты Ясанг» ос «Лүимә сэрипос» редакция ос мāньщи лāтың проект урыл лāтың лāвыс.

Тувыл «Хōтал» нампа Āс-угорский театр урыл **Жанна Турешева** потыртас. Тав лāвыс, театр хумус рўпиты, манхурип мōйтыт суссылтэгыт.

«Тōрум Маа» музей урыл **Вячеслав Кондин** потыртас, тав лāвыс манхурип экскурсият блыглэгыт, манхурип ялпың хōталыт вāрэгыт.

Āс-угорский институт урыл мāхумыт потыртасыт. Лāвсыт, манхурип исследованият вāрэгыт тувыл манхурип проек-



Ты хурит Н. Алексеева, М. Сатина, Г. Дунаева, Уланей, Анна ос Юлия пōслым блэгыт

тыт блэгыт. Тāн нāврамыт мāгыс нэпак лōмтыт мўйлыласыт.

Ётылнув ханищтахтын мāхумыт Мā-вит ос Ēлумхōлас нампа колн ялсыт. Тот экскурсия блыс, мāньщи культура урыл потыртасыт. Ēлумхōласыт хўнтласыт, тувыл сака китыглахтасыт. Ётылнув «Окружной дом народного творчества» колт кўщайт акван-атхатыгла-сыт. Тōнт тāн мāн элаль тотнэ вāрмалянув урыл потыртасыт.

Тамле кўщайт блсыт:

Округ вāгың кўщай нэ Елена Владимировна Майер, ООО колт рўпитан хум Оюлу Оджот Миру, сенаторыг блнэ ханты хум Александр Вячеславович Новыхов ос мōт мāхум.

Ам потыртасум тот ханищтахтын мāхмыт ёт, тāн тох лāвсыт:

– Паща блэн! Ам намум Аполлинария Евай. Ам ёрн āги. Павлум Таймыртумпытōлы, Лүимә Яңкың щāрыщ вātат. Ам тыг ёхтасум Норильск ұсныл. Образование щирыл ам экономист, банка рўпитэгум. Ам стихотвореният хансэгум, тувыл «этноблог» лōпс вāрэгум.

– Паща блэн! Ам намум Анна Яптик, самын патсум Ямало-Ненецкий автономный округт. Ань блэгум Салехард ұст, тувыл газета редакцият «Няръяна Нгэрм» рўпитэгум. Тот мāн потрыт ёрн лātңыл хансэв. Ам Санкт-Петербург яныг ұст А.И. Герцен нампа лүимә институтта ханищтахтасум, специальностью образование в области родного языка и литературы лāваве. Диплом нэпакыл майвёсум школат рўпитаңкв патсум, мāнь мāхмыт ханищтаңкве. Тувыл пōхын минасум.

– Паща блэн! Ам намум Уланей. Ёхтасум Москва яныг ұсныл. Амки самын патсум Забайкальят. Специальностью лингвист лāваве. Ам тыг бвыл щёс ёхтысум. Ханты-Мансийск ұст вōт такем та щистый. Юграт сака та хорамаң, ёхтын хōтпатос мўй мāхум ёмщакв, щāгтым ўрвёсыт. Яныг пўмашипа лāтың лāвэгум. Пустāгыл блэн!

Ханты-Мансийск ұсыт мāхумыт политика вāрмалъ ханищтасыт. Ётылнув тāңки проектаныл ловиньтыяныл, тувыл в-янтыяныл.



Мўй хōтпат В. Кондин потре хўнтлэгыт



Яныг кўщайт ос мўй хōтпат потыртэгыт

Галина ДУНАЕВА



М. Двинянинова Эрыг Эрги



Няврамыт халанылт касЭгыт

Сосса мирыт янытлан хөтал

Вөртур этпост онтоловит
числат сосса мирыт
янытлан хөталаныл. Таимăгыс
кăсың пăвилт муйлын хөтал
вăрыглаве. Сăвсыр лăтңыл
потыртан мир: мăньшит,
хантыт, ёрныт, сараныт,
рущит ос мот сăв мир, пуссын
акван-атхатЭгыт ялпың хөтал
янытлЭгыт. Ощхуль, пұмаш
вăрЕгыт ос кăсың мир такви
маснутэ суссылты, такви лăтңыл
Эрги, потырты, ошхульты.

Хăльўст сосса мир музей пăвил-
кант тамле хөтал ос янытлавес. Тот
ёрынокл тұщтым олы ос ййквнэ,
ёнгын мă щёпитавес.

Атхатам муй мăхум сартын яныт-
лавёсыт, тувыл Калерия Супрун ос
Виктория Юхлымова паща лăтың
лăвсыг. Элалы Любовь Кашлатова

лăтың лăвсы, кăсың мир урыл мощ
потыртас.

Тувыл Элалы ялпың хөтал вăр-
мале ов холт та овумлас. Калерия
Супрун ос Виктория Юхлымова
сăвсыр лұптаң щай урыл потыртасыг,
маныр хурип лұптаң щай маныр
порат атуңкв рёви ос хунь аюңкв.

Ам ос тув вёвиньгăлвёсум, таи-
мăгыс акв-кит лăтың лăвсум. Стихо-
творение ловиньтасум, Эрыг Эргы-
сум. Калерия Супрун ос Ирина
Новьюхова хул алышлан хөтпат
ййкв ййквысыг.

Мăхум тымус хунтлЭгыт, тымус
сунсЭгыт, хумус няврамыт ёнгёгыт,
сун ұлтта поргёгыт ос тынышан
пăхвтЭгыт. Яныг мăхум хотьют
кăсаши ос ёнги няврамыт ёт.

Ёнгыт сунсылтым олыс мăнылат
аги (тав сартын сунсылтавес хумус
кăсың ёныг торгамтаңкв Эри)
Александра Лисова.

Эргыт, ййквыт, ёнгыт ойгпам юи-
пăлт муй мăхум хул исмит тэңкв
ёрынокл вёввёсыт. Няврамыт
ос яныг мăхум пуссын атың хул
исмитыл ос сăвсыр лұптаң щайл
айтвёсыт. Мăхум халанылт пойтнэг
потрамасыт ос яныг пұмашипа
лăвим лăкква-мингаласыт.

Тамле ты пұмаш ёмас хөтал
Хăльўс музейт рұпитан мăхум
вăрыгласыт. Няврамыт ос яныг
мăхум пуссын щăгтальпиң номтыл
юв миныгласыт, яныг пұмашипа
лăвим ялпың хөтал вăрум мăхумн.

Хөталакве акваг вус лурги,
Атырхариоспа Төрүм посың
Самыл ёлалы вус сунсы.
Мире вус янытлахты,
Посың Төрмыл вус пұмшалахты!

Мария ДВИНЯНИНОВА



А. Вынгилева, Л. Кашлатова, М. Двинянинова, Д. Лисова ос А. Лисова



Акван-атхатыглам мăхум

Савсыр мирыт аквьёт муйлысыт

Касың тал вёртур этпос онтолов хоталэт ма янытыл мощцаг хультум мирыт ялпың хоталаныл янытлаве. Та кастыл тән мәгсыланыл сыре-сыр кас варава манос сасса махум эргын-ййквнэ накыт бс щёпитэгыт. Тувыл мощцаг хультум мирыт тәнки блнэ мирколаныл янытлан лятңыл кётавет.

Нән ань Югра ма кўшайн Руслан Кухарук, округ Дума кўшайн Борис Хохряковын пащалахтын ос пустагыл блнэ лятңыл бс кётвессын. Тэн потранэн нән ишхйпың лопсанэнт манос мән «Ханты Манси Мир» лопсувт ловиньтаңкве вёрмегын.

Ханты-Мансийск ўст мощцаг хультум сасса мирыт савсыр касыт вәрим «Торум Маа» намба карс урамыт муйлысыт. Тот мөал тәгыл «Ма ай мирием» («Ам мән миркем») намаим ёнгилыт варавет. Овлэт муйлын махум ёт яныг кўшаит пащалахтэгыт, тувыл тән мәгсыланыл эргын-ййквнэ хотпат матыр-ати суссылтэгыт. Ты коньпал янге-мәне элумхөлас сыре-сыр ёнгилыл, касылыл пүмшалаве, акв мат акван-юрщхатнэ тэланыл хултыглан мәгыс тән акван-нётхатым яныг тор сагёгыт.

Ань сасса махум тэланыл мўсхалыг щёпитан кўшай нэ Людмила Алфёрова, Совет Федерация рўпитан хум Александр Новьюхов, округт мәнлат махум политика департамент кўшай вәнын хум Александр Пономаренко акван-атхатам махум ялпың хоталыл янытласаныл, тән ёмас вәрим тэланыл мәгыс пүмашипа лавсыт. Тувыл Эфиопия мәныл блнэ муй хум, ООН колт мирхал сасса махум тэланыл уральтан кўшай

вәнын хотпа потыртаңкве вөввес. Наме Оюлу Оджот Миру, тав Юграт матахмат хоталыт блнэтэ сыс ворт блнэ хантыт, ёрныт, мәнщит палт олупсаныл сунсуңкве тотыглавес. Ойка ань ханты ос мәнщи лятңыл пащалахтас, тонт пуссын хот-щәгтым кәтпатта рәтсыт. Тав элаль таи лавыс:

– Югра мән мот мирыт эрнэг ханищтан сака ёмас нак оныщи. Ма янытыл блнэ сасса мирытн нән хольтын тэланыл элаль тотуңкве эрёгыт. Нән нәнки вәрмаянын ўргалым ос макыг тотнэ мәгыс эрнэ сәкконьт оныщегын, ань нән нуплын арталахтым, мот мирытн акв-тох ханьщувлым рўпитанкве ке, тән тэланыл бс тәксарыг ёмтэгыт.

Тувыл муй махум мәгыс ханты ос мәнщи эргыт эргувёсыт, ййквсыт. Овлэт Югра пәлыл сасса махумныл ООН колт посолыг лавнэ нэ Вера



«Нильтаң павыл» ансамбль эргын-ййквнэ нэг

Кондратьева махум ялпың хоталыл янытласанэ ос эргыс. Тав юи-пәлэт Ямал мәныл ёхталам Галина Косыгина ос Иван Сандрин эргысыг, Тром-Аган ос Шапша павлыгын ёхталам яныг хотпат нйвраманыл ёт ёнгилыт суссылтасыт, ййквысыт ос сәңквылтапыл сәңквылтасыт. Югорск ўсныл муйлын щёмья тәрыг-сыплув-ййвныл «Куккук эрыг» тән ёнгыс ос мәнлат нэ ййквыс.

Тувыл Ханты-Мансийскат савсыр мат рўпитан сасса махум, тыи Творчества колт сәңквылтапыл, нёрнэйивыл сәңквылтаңкве хәснэ мәнлат пыгыт концерт вәрсит, «Ёмвош

ёх» намба эргын-ййквнэ колын ялантан ханты нэт, «Лүй сәм» намба мәнщи нэт щән лятңыл эргыт эргысыт. «Манас» намба кыркыз махум тәнки культураныл суссылтаңкве ёхталасыт.

Тот муйлын хантыт ос мәнщит тәнки нётнэ маснутыл масхатым олсыт, ты коньпал хансал юнтым манос хансал сагим сыре-сыр маснутыт суссылтаңкве мащтыр нэт тув вөвиньтәлвёсыт. Тох Мария Эккерт, Надежда Костылева ос Евдокия Нёмысова хорамың маснутаныл суссылтавёсыт.

Махум музей карс урмыт муйлыныл сыс матыр мащтырлаңкве ханищтавёсыт, сыре-сыр касылыт касуңкве вёрмысыт. Тувыл пуссын муй махум лүптаң атың щәйл айтвёсыт ос курт вәрнэ атың нәнил титтувёсыт. Тән лавнэныл щирыл, посың хоталың хоталыт такем ёмщакв ўщлахтасыт, төват тәнки халанылт сав пора акван-хонтхатәлсыт, ань тахольт вәщиньтахтасыт.



Хон мәныл ёхтум кўшай хум сасса мирыт янытлы

Тамара МЕРОВА

www.khanty-yasang.ru

Лохтоткурт пāвылт ̄лум мāхум

Ханты-Мансийскат «Т̄рум Маа» намба музеит р̄упитан х̄тпат «История семьи в истории народа. След прожитой жизни» проектаныл щирыл ̄лаль р̄упит̄гыт ос акваг матыр-̄ти п̄мыщ суссылтапыт щ̄пит̄гыт.

Тынакт т̄ан Октябрьский район Шеркалы пāвылт ̄лн̄ н̄ Наталья Крюкова т̄анки палтаныл в̄вин̄т̄алсаныл ос акваг-н̄тхатым «Лохтоткурт пāвылт ̄лум мāхум» намба суссылтап в̄рсыт.

Наталья Владимировна Лохтоткурт пāвылт яныгмас, тот ̄лум ханты щ̄м̄ят, тыи Ангашуповыт, Киприяновыт, Китуровыт, Тебетевыт пуссын в̄ган̄. Такви Ангашупов колт̄аглыл ̄лы, таимāгыс яныг р̄уыг ̄лн̄ мāхум пуссын акваг-атсан̄ ос н̄пакт п̄слысан̄. Тав с̄ав т̄ал Шеркалы пāвылт ̄лн̄ музейт пуңктоты, тув сыре-сыр п̄с пормасыт ос хурит атыс, ан̄ т̄ованыл тыт суссылтым тав хун̄та ̄лыглам Лохтоткурт п̄с пāвыл ̄вылтыт потыртас.

̄вл̄т тав Киприянов колт̄агыл урыл потре ̄вылтаст̄. Округт ̄лн̄ мāхум тамле ̄парищ нам с̄авыңп̄аланыл х̄лыгласыт. Хантыт халт ты ̄парищ нам ̄щн̄ мāхум «в̄ортолнут р̄уыг» л̄ававет. Кирилл Андреевич Киприянов 1926 т̄лт самын патыс, с̄ав х̄л алыщлан ос в̄ораян х̄тпаг акваг ̄лыс. Тувыл ̄мас р̄упатат̄ мāгыс Москван тотыглавес. ̄йка яныг щ̄м̄ья ̄ныщис, н̄т̄н̄тыл с̄ат н̄врам ямалтасыг. Н̄т̄э Ольга Харлаевна калмык мāхумныл ̄лум.

Китыт пыг̄н Андрей Кириллович Киприянов хус т̄ал Октябрьский район к̄уцаиг ̄лыс, ос экономика наукат кандидат

нам мāгыс диссертация хансыс ос вуянтас. Тав нас мāхум ̄руптасан̄, ос ̄лкет̄т т̄ан ̄лупсаныл мощ к̄пнитыг в̄рн̄ мāгыс матыр мāk т̄лат тотыс. Ан̄ тав районт пуңктотн̄ сыс м̄ан̄ пāвлытыт лов йильпи школат, нила п̄льницат, кит ФАПыг ос кит клуб-колыг ̄нттув̄сыт. Пāвлыт пуссын н̄йкер кв̄алгыл ̄мщакв щ̄питав̄сыт, колыт газыл в̄рв̄сыт. Тувыл п̄с колыт хот-л̄осталв̄сыт ос т̄ан п̄нтсыл йильпи колыт ̄нттув̄сыт.

Андрей Кириллович р̄упатат̄ м̄схалыг тотн̄ мāгыс Октябрьский район Поч̄тный ̄лумх̄лас янытлан намыл пинвес, тувыл 2001 т̄лт мāгылн тагантан «За заслуги перед Отечеством» II степени п̄сыл майвес.

М̄от потыр Китуровыт колт̄агыл урыл потыртас, н̄пакн хансым щар яныг х̄тпаг Матвей Петрович ̄лы, тав 1884 т̄лт самын патыс. Тав нарс̄юхыл сака н̄т̄н̄г с̄аңквилтас ос 1935 т̄лт Вольфганг Штейниц, немец уч̄ный,



тув ̄хтамалмет ̄йка урыл такви дневникет хансум. Матвей Петрович Александр пыге нарс̄юхыл с̄аңквилтаңкве ̄с ханищтаст̄. Ты нарс̄юх̄н ан̄ Шеркалы музейт ̄ргалым ̄ныщаве. Тувыл Светлана Шайгарданова апге м̄ан̄т̄агыл с̄аңквилтаңкве ханищтахтас ос н̄т̄н̄г ̄рги, тав ан̄ «Т̄рум Маа» музейт р̄упиты.

Х̄рмит колт̄агыл Тебетевыт урыл потыртас, н̄н

ан̄ Митрофан Алексеевич Тебетев, хурит п̄слум ̄йка, пуссын в̄аглын. Тав Лохтоткурт пāвыл п̄слум хурит̄ тыт суссылтавес ос щ̄м̄ят хоты колт ̄лсыт, пуссын х̄улсан̄. Ты ̄тпос н̄лолов щислат ̄йка 101 т̄л̄ т̄овлыс.

Нилыт колт̄агыл Кашпиревыт урыл ̄лыс, тот Нина Ивановна Журба ̄вылтыт потыртас. Н̄ мисколт с̄ав т̄ал р̄упитас, ̄мас р̄упатат̄ мāгыс «Трудовой Славы» нам ̄ныщи. Тав м̄ан̄латыг ̄ргуңкве ос й̄квуңкве сака к̄сашас. Т̄ан р̄утныл āги Марина Кашпирева ан̄ «Х̄тал» намба Āсугорский театрыт р̄упиты.

Тувыл Наталья Крюкова Ангашуповыт р̄ут колт̄агл̄ ̄вылтыт потыртаңкве патыс, ты ̄вылтыт янас потыр ханс̄в тах. Юи-̄вылт Анастасия Артеева акваг т̄ан с̄аңквилтас.



Н. Крюкова потыргы

Тамара МЕРОВА

Сыстам мәньщи павылкве

Мәлалнүв ам рүпатам щирыл
Кимкясүй павылн ялсум. Ман
палыт өлэгүм, ты павылт ушта өвил щёс
өлсум. Такем та ёмас сыстам мәньщи
павылкве, үсхулыянэ сыстамыт, мәхум
мис, лув, щичкурек өньщёгыт, тэпканыт
савсыр тәнүт янмалтёгыт.

Тыт электростанция,
ләпка, мәнь пүльница
(ФАП), яныг школа ылы.
Школа ос садик акв колн
вәрим өлэг.

Тыг атэ автобус, атэ
вертолет, атэ товлың
хәп, атэ уляң хәп яласы.
Мәхум өлэгыт, рүпитэгыт,
пуссын матыр вәрёгыт,
савсыр мүйлын хөталыт
тәнкинәнылтәнкивәрёгыт.

Ам тыт павыл хосыт
мощ ёмыгтасум, павлың
мәхум ёт румалахтасум.
Павыл тарум старостаг
сав нйврамың нэ Е.А.
Монина ылы, тав ётэ мо-
щакв пөтыртасум. Елена
Александровна ләви:

– Ам 25 тәл тыт өлэгүм,
амки Красноярский край-
ныл Дудинканыл өлэгүм.
Ильял Екатеринбург үст
акван-хөнтхатсумён, тав
әнум тыг тотастэ. Овлэт
хәштәл ылыс, ань тай
ханьщувласум, әнумн тыт
мүсты, тыт олуңкв ёмас.
Юв ялуңкв ат вөрмёгүм,

акв нйврамыл хумыс
минэгүм, таххаты пуссын
вос ялсыт. Хунь ам уш
тыг ёхтысум, павыл яныг
өлыс, сав яныг хөтпа ылыс.
Павлың мәхум халанылт
ёмщакв юртыңыщ өлэгыт.

Элнаң мәхум сав мис,
лув өщсыт, төва хөтпат
кит-хүрум мис өщсыт. Ань
мән акв поснэ мис Эква
өньщёв. Аннэ Сангилева
тав сав мис өньщи: хүрум
сурты мис, акв хәрмис
пыгрищ, акв ты тув мәнь
мис әгирищ, акв поснэ
мис.

– Ос наң яныгмам мәнт
мәхум үй-хул өньщёгыт?

– Ам мәнь порамт,
номилум, мәхум мис-лув
өщсыт. Ам интернатт өл-
сум, тувыл омам әтимыг
ёмтыс, акиягүм-әквагүм
палт өлсум.

– Та ёрт мәхум сәлы
өньщёгыт?

– Анёквагүм-ащёйка-
гүм пустәгыл өлмөнт сав
сәлы өщсыг, хүрмахкем



Кимкясүй павыл

сөтыр сәвит, тундра мәт
өлсыт. Тән әтимыг ёмтмөн
юи-пәлт сәлыяныл ләк-
ква-уртвёсыт. Ань әңкв-
пыгүм сөтыр арыгкем
сәлы өньщи.

– Наң ос манур тапа-
лыт мәныл Екатеринбург
үсн ёхтысын?


– Екатеринбург үст
физфак пүнсыглавес,
КМНС мәньлат мәхмыт-
ныл ханищтахтын группа
атыглавес. Мән ёрувныл
мән хүрум өлсүв: ам
коны-пәлум Воронцово
павылныл акв пыг, әнумн
рүтыг хөйхаты, ос акв
долган нация әгирищ
Хатанга павылныл ылыс.
Стипендияв мәнь ылыс
250 солкөви, ат вөрмы-
сүв ханищтахтуңкв, пус-
сын ләкква мән ювле
та мингаласүв. Акв щёс

1600 солкови ёхталәлас,
такем олнлөмт, хоталь
төвылхаты. Хүрум этпос
сыс та майлым олнанув.
Ам щәнь-әштәл мәгыс
ойтнэ олнанум аман хо-
таль нупыл минасыт, нэ-
матарыл ат ойтыгләлвё-
сум. Ягәгимн төва порат
олнлөмтыл кётыгләлвё-
сум. Китгагүм өс юил ол-
ныл кётыгләлвесыг. Про-
ездной билет ёвтуңкв олн
эри, пөс мәгыс ойтхатуңкв
эри. Тох хотум та өлсүв.
Илья өс тот ханищтахтас.
Ам юв минуңкв ёмтала-
сум, тувыл Илья әнум
тыгле вөвыстэ, ос ань тыг
мус тыт ты өлэгүм.

Елена Александровна
такви ёрн нэ, тох та тыг
Кимкясүй павылн мәта-
вес. Тав ань клуб колт
рүпиты, савсыр мүйлын
хөталыт павлың мәхманэ
ос нйврамыт мәгыс вәри.
Ань тән ойкатэнтыл, Илья
Александрович ёт, яныг
щёмья янмалтэг, рүпитэг,
үй-хул өньщёг. Ты ёмас
мәньлат хөтпагн кол сөт
ос щунь! Пустәгыл вос
өлэгыт!

Өс таңхёгүм ләвуңкв,
ты ёрн әги тыт өлнэтэ
сыс акияге-өныпаге ёт
мәньщи ләтңыл потыр-
таңкв ханьщувлас, та
пөнтсыл мәньщит тәнти
ләтңыл ат хәсэгыт.

Анна АЛГАДЬЕВА



Султум

Искорка

Юн маныщи латнуд суйты

Маныщи ягәгииг Юлия ос Виолетта Ивановыг Югорск үст блэг. Тэн этэн потрамасум, блупсатэн бвылтыт китыгласагум.



Виолетта

Юлия тох лавыс:

– Ойттур этпос бвыл хөталэт 17 талум төвлыс. Ам Белоярский үст блнэ колледжит воспитателиг хаништахтэгум, бвыл курс асталсум. Таквсы порат тот китыт тал хаништахтүгке патэгум.

Омам наме Татьяна Васильевна, тав Лөпмус павылныл олы. Атам Дмитрий Николаевич Иванов, тав ос Саранпавылт яныгмас. Яныг каңкум Павел, ашчим Эдик ос маны йигришув Виолетта. Мән касың тал Лөпмус павылн ялантэв, тот анёквав олы, наме Маргарита Геннадьевна.

Өвлэт мән Саранпавылт блсүв, тот школат ам маныщи латың хаништасум, Мерова Светлана Савельевнан хаништасевсүв. Щань латың урокут ам сака эруптасанум. Тувыл касың туи «Маны Ыскев»

мән ялантәлсум, тот ос акваг маныщи латңыл потыртасүв, пёс наханув урыл сав потыр хунтлысүв. Анёквав маныщи латңыл потырти, маныщи супыт оныщи, ялпың хөталыт порат масыглыанэ.

Колтаглов Югорск үсн вантлуме пасныл хурум талыг ты ёмтыс. Тот школат хаништахтамум порат, «Суеват пауль» музейн ялантасүв, маныщи мирув пормасыт, алышчлапыт вәсум.


Ты туи мән омам, каңкум ос йигришум эт машинал Ханты-Мансийск үсн ялсүв, тот мощ мүйлысүв. Ты үс сака нётнэ, сав мят яласасүв, «Мамонты» намба кант ёмыгтасүв.

Виолетта ос мощ потыртас:

– Сүкыр этпост ам 12 талум төвлы, 6 классыт хаништахтүгке патэгум. Югорск үст блуңке анумен сака мұсты, ам тот сав юртагит оныщегум, классувт 24 агиришит ос пыгришит хаништахтэгыт. Щар мак эруптан урокум – биология.



Виолетта лув тармыл мины



Юлия

Ам лувыл яласаңкве хаништахтасум, ты тәла руш щирыл лававе: конный спорт. Лувыл яласанэм таквсы порат кит талыг ты ёмты. Конный спорт колт ань 15 лув олы. Мән, үс няврамыт, саттем касыңув тув хурум хөтал яланты. Ам лувум наме Триада, сака ёмас, рот лувкве.

– Лувыл яласаңкве тәрвитың?

– Вәим, нас хунь. Лув маныр номсы, мән ат вәглов, кос хунь илттыг хотталь квәлапаңкве вөрми, хөтпа сәңхвасаңкве вөрмитэ манос нас хот-рохты, элаль хайталты. Лувыт ляпат акваг үргалахтым блуңкве эри.

Анёквам блнэ павлыт, Лөпмуст, лувыт ос блэгыт. Тән ляпанылн тай ат рөвлахтәлсум, павыл янытыл танти рот ёмыгтэгыт. Төванакт ос акв юи-пәлт хотталь сұлыньтэгыт, ма нас төрги. Ань ты ювле хультум талытт лув ос мис мощца ёмтыс, махум нәйив бураныл хартэгыт, щаквит ләпкат өвтэгыт.

Ты ятил маныщи агиришит колтагыл махманэн эт пустагыл вос блэгыт, Нәй-Отыранылн вос үргалавет.

Светлана РОМБАНДЕЕВА

«Мәнь Ыскве» няврамыт палт округ кўщай хум ёхталас

Хальўс район Ясунт павылт вāt арыг тāl «Мәнь Ыскве» няврамыт ўщлахтын мā олы. Ты тāлыт сыс маныр хумус вāруңкве эри, мāн манти номылматэв, матыр-āti манти щирувт вārэв. Ясунт павылн яныгхōт-пат ос няврамыт кāсың туи ёхталэгыт, пуссын аквьёт олэв, ўщлахтэв, халанувт ханищтахтэв.

Ты тāl ойттур этпос юи-бывл хōталанэт «Мәнь Ыскве» мāt акв сака ёмас ляххал хўнтамласўв: мāн палтув округ кўщай хум Руслан Николаевич Кухарук ёхты. Я-ты, щё-питахтункве та патсўв – тамле яныг кўщай мāныщи павылн кāсың хōтал хунь ёхталы.

Мāнавн, яныгхōтпатн ос мāнь мāхумн, округ кўщаин суссылтаңкве эрыс – хумус олэв, маныр ханищтэв, пёс наканув хумус ўргалыянўв, элаль тотыянўв, та маныр. Ты мāн ёхталан няврамыт кāсыңьёмт танти мираныл урыл сāv потыр хўн-



Мўй мāхум Ясунтын ущты ёхтысыт

тамлэгыт, тох тāн округ сossa мирыт олупсаныл ос пёс йис накыт вāңкве патыяныл. Тувыл хунь яныгмёгыт, ты урыл мирн потыртэгыт тах.

Мўй хōтпат ёхтысыт

Ойттур этпос 27 хōталэт Ясунт павылн вертолёт та исыс. Округ кўщай хум **Руслан Николаевич Кухарук** ёт тав вāңын хōтпаге **Алексей Геннадиевич Забозлаев** ос **Наталья Юрьевна Огородникова** ёхталасыг, ту-выл Хальўс район кўщай

хум **Руслан Владимирович Александров**, округ янытыл рўпитан ЖКХ ос энергетика Департамент тармыл пуңкотнэ хум **Матвей Игоревич Каров**, строительство ос архитектура Департамент кўщай **Александр Витальевич Фролов**, «Дирекция по эксплуатации служебных зданий» тэла тармыл пуңкотнэ хум **Илья Аркадьевич Ким** ос округ кўщай советник хōтпатэ **Александр Николаевич Арнаутов** ёхталасыт.



Н. Огородникова

Тōнт мāн «Время поющих стрел» наппа нилыт сменан атхатыгласўв. Тамле тэла порат пёс йис щирыл ёнгёв. Мўй хōтпанув ёхтын кастыл мāн кит хōнт щёпитасўв.

Хунь Руслан Николаевич мāхманэ ёт ёхтысыт, пыгытн пёс павылн вōв-вёсыт. Та мā руц щирыл тох лāваве: городище. Ты хōнтлын манос алхатан мā. Мўй мāхум мāнлат хōтпатн китыглавёсыт, кāсашёгыт те, тāн ётаныл вос ёнгасэгыт (алхатэ-гыт). Хальўс район кўщай



Ищхылын мāt-вим хури

«Мәнь Ыскве» няврамыт, ханищтан хōтпаныл ос мўй мāхум, ойттур этпос 2025 тāl



«Мәнь Ыскве» пыгыт потыртэгыт



Мүй хөтпат пыгыт нупыл сунсэгыт

хум Руслан Александров команда молях атапас, я-ты, тувыл «Мәнь Ыскве» нъяврамыт ёт пёс йис щирыл хөнтлуңкве та тұлхатасыт. Ётылнуве тәра-патыс, Хальүс район кұщай мәхманэ ёт тән нөх-патсыт. Мән округ кұщай хум ос тав ётэ ёхталам хөтпат ёт тох та вайхатаңкве патсүв.

Тувыл тән нупланыл олупсав ос тэланув урыл потыртасүв, өлнэ коланув суссылтасанүв. Аквёт үнлахөлсүв, щай айсүв ос мүй мәхманув ювле миннэ лёңхын щё-питахтүңкве та патсыт.

Сымың Элумхблас

Этипалаг «красный чум» ёрнколт мән, «Мәнь Ыскве» мәхум, акван-атхатасүв, округ кұщай хум Руслан Кухарук ёх-таламе овылтыт потыр-тасүв.

Нъяврамыт лавсыт: *«Мән номсысүв, тав тамле яныг кұщай хөтпа, хунь ёхты, тыт ёралахтым ёмыгтаңкве паты. Тав, насати, сымың Элумхблас, мән ётув ёнгасас, потра-мас, матыр-ати китыглас, сав пұмшалахтас, сома акваг ты мāt олыс».*

Тұлыглап

Мөтыт хөтал мән сасса мирыт мөйтыт ос пёс йис потрыт урыл потыр-тасүв.

Тамле тэлав оигпан элы-пәлт агиришит ос пыгришит тұлыглапыт суссылтэгыт. Тынакт тән округ кұщай овылтыт йильпи тұлыглап щёпи-тасыт, намаясаныл «Вер-толёт». Хум ань мән палтув манарыл ёхтыс, маныр кәсалас, номтэ манхурип олыс, нъяврамытн тұлыглапыт пуссын суссылтавес.

Ты тэла татем та яныг олыс, та ёмас хөтал мән акваг номуңкве патылүв, тұлыглап хосыт тав урёт потыртаңкве патэв!

Ятил Руслан Николаевич! «Мәнь Ысквен» ёхта-ламын мәгыс мән наңн яныг пұмашипа латың лавёв! Матёмас ёхтала-сын, вәрнэ тэлав ос өлнэ мав пұмшаласлын, мән ётув сымыңыщ потрама-сын, тасавит мүйлупсат тотсын.

Наң ань вәглын, мән тыт хумус өлэв, маныр мәгыс тыг ёхталэв, маныр эруптэв, янытлэв. Ос мак таи кәсаласын, нъяврамыт ос мәньлат хөтпат танти мираныл пёс йис накыт вәганыл, элаль тотыяныл. Тән тыт акваг хаништахтэгыт, кә-тыл щаквщёгыт, матыр-ати мәщтырлэгыт. Хунь яныгмёгыт, ты тэланыл

тах пуссын номтыт онь-щуңкве патыяныл.

«Мәнь Ыскве» өлнэ павылн савсыр мир нъяврамыт ёхталэгыт, хала-нылт пуссын юртыңыщ өлэгыт. Агиришит ос пы-гришит сунсэгыт, хумус мән мәньщи мирув, щань ләтңув янытлылүв, ту-выл тән ос аквтох танти мираныл манос мөт мирыт янытлаңкве патэ-гыт, пёс йис наканыл вәңкве тахмаёгыт. Тыт нъяврамыт ёмас номтыл ёмыгтэгыт, савсыр пұмыщ потрыт хұнтлэгыт. Тувыл тән элаль мұсхал щирыл олүңкве патэгыт, Родинав мәгыс сав ёмас, эрнэ тэлат вәруңкве патэгыт!

Любовь Стаканова
потре мәньщи ләтңыг
С. РОМБАНДЕЕВА
толмашластэ



«Мәнь Ыскве» агит мөйтэгыт



Мүй хөтпат мөйт хұнтлэгыт



Султум

Няврамыт сосса хум нэпаканэ урыл потыр хунтлэгыт

Мблал Октябрьский районт Уньюган павылт «Айпинские чтения» намп нэпак ловиньтан нилыт вэрмалы оллыс. Ты тэлан Октябрьский район Большие Леуши павылныл няврамыт пёс йис олнэ накын ханищтан нэ Татьяна Владимировна Волегова ёхта-лас. Тав нэпак хаснэ хум Еремей Айпин янытластэ ос такви рупататэ урыл мощ потыртас.

Татьяна Владимировна лүимат хус арыгтем тал няврамыт ханищтым рупиты. Аквматнакт тав Еремей Айпин ёт вайхатуңкве патыс. Та пасьныл ты ханты хум хансум нэпаканэ хосыт Большие Леуши павыл школат няврамыт ханты ос маныщи олнэ-хулнэ вэрмалиитн ханищтыанэ. Ань тав палтэ ханищтахтын няврамытсосса махум олупса урыл сав вагыт. Нэ потре щирыл, тананылн ты тэла ханищтаңкве сака пумаш, матыр-ати урыл танки китыглахтэгыт.

Татьяна Волегова
лэвыс:

– Еремей Айпин сав

нэпак хансыс кос, ос ам школат няврамыт тав кит хансум нэпакаге хосыт ханищтыанум. Акв нэпаке яныг хонт порат хонтлум лёккар нэ Елена Артеева урыл хансым оллы. Китыт нэпаке ос «В окопах, или явление Екатерины Великой» нам оныщи, тот яныг хонтыт хонтлум нэт урыл хансым оллы. Ты нэпакыг няврамытн сака мустысыг, тан щэгтым ловиньтыаныл.

Акв порат ос Еремей Айпин Большие Леуши павыл школат ханищтахтын агит-пыгыт ёт ищхипың ут хосыт потыртас. Няврамыт таве ёмас номтыл хунтлысыт.



Т. Волегова потырты

Искорка

Дети знакомятся с творчеством югорского писателя

В посёлке Уньюган Октябрьского района прошли «VI Айпинские чтения», в которых приняли участие писатели, учёные, педагоги, музейные работники и общественники из разных уголков нашего округа и других регионов России.



В «Айпинских чтениях» приняла участие Волегова Татьяна Владимировна, учитель истории и обществознания Большеголеушинской средней общеобразовательной школы. В этой школе она преподаёт более двадцати лет. Однажды она познакомилась с хантыйским писателем Еремеем Айпиным и заинтересовалась его творчеством. Прочитав несколько его произведений, она решила познакомить школьников п. Большие Леуши с книгами югорского писателя.

Татьяна Волегова
рассказала:

– У Еремее Айпина порядка сорока написанных произведений. Но я выбрала две книги. Первая – новелла о подвиге

в годы Великой Отечественной войны женщины фельдшера Елены Артеевой. И вторая книга называется «В окопах, или явление Екатерины Великой», которая посвящена женщинам, воевавшим в годы Великой Отечественной войны. Дети с большой любовью прониклись этими произведениями и с трепетом в душе читали эти книги.

А однажды в классе было организовано прямое включение с Еремеем Айпиным, дети с большим интересом задавали вопросы писателю о творчестве и о жизни коренных народов ханты и манси. По словам Татьяны Волеговой, этот классный урок ребятам запомнился на долгие годы.

Страницу подготовил **Н. МЕРОВ**

Лүимәныл олум хөтпәт пуссын пилтәлыг хөнтлысыт



А.А. Петров потырты



Йильпи нэпак вәрвес

Ювле хультум нотт яңк нәтнә Этпост онтолов щислат яныг хөнтлам вәрмалы ойгпас, ос таимәгыс Нөх-патум хөтал 80 тәлэ төвлынәт кастыл мән сәв потыр бһыщев. Мәхум хөт-әти акван-атхатнәныл порат акваг ты тәла бһыттыт кит-хүрум ләтың ләвөгыт.

Тох ты тәл яңк нәтнә Этпост Санкт-Петербург үст А.И. Герцен намба университет Лүимә мәхум институтаныл 95 тәлэ төвлын кастыл «Северяне в годы Великой Отечественной войны (1941-1945)» йильпи нэпак тәратавес. Монография-нэпак алтайский ләтһыт, фольклор ос литература кафедрат пуңктотнә профессор ойка Александр Петров ос Лүимә институтт кұшай нә Софья Урун щёпитасбг ос ты урыл мощ потыртасбг.

Тән нэпак китыг янас үртым потырт щёпитас-тән, бһлэт Лүимә институтт рүпитан ос ханищ-тахтын хөтпатурыл хансәг, китыт охсатә хөнтлам порат тәнки мәнаныл бһнә ос сәв рүпата вәрнә хөтпәт бһыттыт бһы. Тән

бһыттыт лүимәныл бһнә хөтпәт потыртәгыт ос потраныл пищма щырыл кётыгласыт.

Лүимә мирыт институт 1930 тәлт рүпататә бһыт-тастә ос 1941 тәл мус Ленинград үст рүпитас. Тувыл тәрвит тәлат ёмтум сысты ханищтан кол Омск үст манос мөт ұсытыт вәрыглавес. Төва студентыт мөт ұсн тох иң ат минасыт, Ленинградыт хультыт ос тот матыр-әти тәлат нётыт. Александр Александрович Петров институтт ханищтахтаме ос рүпитаме порат Михаил Григорьевич Воскобойников, Александр Михайлович Щербак, Татьяна Фёдоровна Петрова-Бытова вәнәг бһсанә ос тән потраныл номим ты монография-нэпакыт щёпитасанә. Мән студен-

тыг бһмув порат пылыщ-маң вәрмалит урыл Матрёна Панкратьевна Баландина (Вахрушева) ос Юрий Александрович Сем, ты кит яныг учёны-игһыл бһ хұнтамләлсүв. Мөт мәхум ёт тән колала тармыл бомбат сёйил харыгтасыт, окопыт хил-сыт, госпитальт нётыт. Сәв тәл институтт рүпитан учёный эква Нина Ивановна Гладкова 1941 тәлныл най харыгтан тәлат акваг нётыт. Тав урёт В.П. Комлева «Блокада. Я в полку пожарном» нэпакет хансыс.

Ань хөнтлан порат юн хультум лүимә мәхум урыл янас потырт акван-атвёсыт. Нән «Труженики Ямала», «Труженики Ханты-Мансийского автономного округа», «Труженики Камчатского края», «Труженики Якутии» бһыттыт потырт ловинь-таңкве вөрмегын.

Мөт студентыт хөнтлан мән тотыглавёсыт, төват тот та порславёсыт. Тох газетагуйт мән Константин Алексеевич Панков урыл хансыгласүв. Ань

ты нэпакт ёрн, нанайцы, ханты, эвенк, чукчи, якут ос мөт лүима хөтпәт урыл потырт ос хурит кётыг-лавёсыт ос тув щёпита-вёсыт.

Тувыл хөнтлум хөтпәт халт Николай Иванович Терёшкин ханты учёный хум бһыттыт хансым бһы. Тав артиллерийский разведкат лусытас, немецкий ләтың ёмшакв вәс. 1944 тәлт тәрвит нюлмитә мәгыс арыгтап-тувес. Николай Иванович бһлэт лүима институтт Омск ұсн минас, ётыл ювле Ленинградн пуссын ёхтысыт ос тав тот рүпи-тас.

Ты нэпакт якут мәхум пилтәлыг хөнтлам акв нак урыл хансыма. 1943 тәлт тән тәлы порат яңк маснутыл ос ёсал масхат-ым Ильмень түр вәтан мұсхалыг вәрнә ос ёрнә тәлан минасыт. Тот сәв хөтпаныл порславёсыт ос тән пилтәлыг вәрум операцияныл сәв мәхумн ань тыг мус номаве. Таимәгыс Новгородский область Старорусский райисполком 1967 тәлт Ленинград-Москва машинал яласан лёңх хосыт памятник тўштысыт. Ос 2000 тәлт Саха-Якутия миркол пәлыл Ильмень түр вәтат мөт памятник тўштысыт.

Александр Александрович Петров ләвме щырыл, ань акв тамле нэпак тән элалы вәруңкве патёгыт тах, таимәгыс нәнки рүтанын бһыттыт потыр хансән ос тавән кётән.

Тамара МЕРОВА

Ма-вит ёргалан ма ват тал рупиты

Ты тал бйттур этпос 22 хоталэт «Кондинские озёра» наппа ма-вит ёргалан ма рупитанэтэ пасныл 30 тал товлыс. Махум тот ань манхурип рупата вәрёгыт, ам кұшай нэ Татьяна Леонидовна Беспалова китыгласлум. Тав таи потыртас:

– Ват тал ювле хультум порат Советский районт «Кондинские озёра» наппа ма-вит ёргалан ма вәрвес. Овлэт тав 43 сotyра 900 гектар савитыг олыс. 2022 талт ма-вй нох-винэ комания акв ёргалан ма-лөмтув такви нуплэ хансыстэ, ты пентсыл мот мал майвесув. Тонт «Кондинские озёра» мав 63 сotyра 730 гектар савитыг емтыс. 2015 талт ёргалан мав Леонид Федорович Сташкевич намыл майвес. Ты ойка тыт 2013 тал мус кұшаиг рупитас, ты ёргалан ма вәрнэ магсыл тав сака сав ёр пиныс.

Округувт сав ёргалан мат олэгыт, тан пуссын савсыр щирыл намаим олэгыт, акват – заповедникыг, мотаныт – заказникыг, хурмитыт – природный паркыт. Акв ёргалан ман махум вөрн ялуңкве щар ат тартавет, тот вөр сәгруңкв, хул алышлаңкв, воряңкв, пил ватуңкв, ма-вй нох-виңкве щар ат рөви. Мот ёргалан ман пил ватуңкв, ләхыс, пәкв атуңкв рөви кос, тувыл хул алышлаңкв, воряңкв ос ат рөви. «Кондинские озёра» мат махум яласаңкв акваг вөрмөгыт.



Щёпрыг үнлэг

Советский ос Югорск ұсыгт олнэ мир туи «Кондинские озёра» мат олнэ тұрытн ұшлахтуңкве ос пувлуңкве ялантэгыт, мотаныт тот няслэгыт, пил ватэгыт, ләхыс атэгыт.

Ма-вй нох-винэ урыл

Ёргалан мавт «Лукойл» наппа компания ма-вй сав тал нох-выг. «Кондинские озёра» хунь вәруңкве овылтавет, акваг порат ты мат ма-вй хонтвес. Та пасныл тан етаныл акваг-потыртахтым рупитэв. Тан тұрыт, ят, харамат, яңкылмат ул вос пәңктыяныл, тананыл акваг уральтыянув. Ты компания ма-вй нох-винэ магсыл тының оборудованье ёвтыс. Машинат яласан ләңханыл тох вәрсаныл, ят, тұрыт элалы сыстамыг вос олэгыт, ворт вөрүитын торас ул вос вәрёгыт.

Ят, тұрыт маңыщи щирыл намаим олэгыт

Ман ёргалан мавт това ят, тұрыт маңыщи ләтңыл намаим олэгыт.



С.Н. Шамиков инспектор хум

Советский районт олнэ маңыщит ты вәрмаль урыл китыгласанув. Таёжный павылт олнэ махум лавсыт, ты мат пёс йис порат хонтаң маңыщит олсыт, тан това ләтңаныл мощ мот щирыл лавсаныл. Тыт Арантүр олы, маңыщи ләтңыл ты түр «Эргынтүрыг», «Аргинтүрыг» манос «Оронтүрыг» лавуңкве рөви. Пёс порат ты түр ватат акваг сав салыт олсыт. Тан ты маңыл нәмхотталы ат миыгласыт, салы тәп түр ватат сав яныгмас, тыммагсыл «Оронтүрыг» лавуңкве рөви. «Эргынтүрыг» ос намаяңкве вөрмувёс, ты түр яныг, тот акваг вот вөты, эртум, эрыг эрги. Ты түр ватат тарыг ййвыт яныгмөгыт, тан суланыл ос котар хурипаг олэгыт, ос хунь хотал ёл-үнты тонт щар, соль, Аргинтүрыг емты.

Ос аква яныг түр «Пәңктүрыг» лававе. Туи витэ хунь маңиг емты, лап-яныгмаве, тонт сака пасы. Раңкитүр яңкыл мат олы, тав мощ



Нэквег яныгмам пил ловиньтэг



ЮГУ колт хаништахтан маңылат хөппат



Л.Теткина вӱрүм-хури



Т.Л. Беспалова

«Кондинские озёра» үргалан мӱ

мӱт хурипа. Таёжный пӱвылт ӱлнэ мӱнӱщи мӱхум лӱвсыт, ты ёҗта тӱр «Раҗкитӱрыг» улпыл лӱвсаныл. Ёргалан мӱвт Яныгӱ ӱвты, ты я пӱхвыҗыгос мильг ӱлы. Лӱмӱя вӱтат сӱв лӱмӱйвыт яныгмӱгыт, таимӱг-сыл тох лӱввес. Ос хурмит я – Улумӱ, хумус руц лӱтҗыл толмашлаве, тӱн ӱс лӱввӱсыт. Ты я молях ат ӱвты, тымӱгсыл, улпыл, тох намаявес. Ос ӱргалан мӱвт Анисӱя ӱвты, хумус руц лӱтҗыл толмашлаҗкве, мӱнӱщит ат вӱгыт. Мӱт ят, тӱрыт Окунӱвские, Золотая ос мӱт руц нам ӱнӱщӱгыт.

Мӱнӱщи мӱхум пӱс йис мӱнаныл

1920 тӱлытт Арантӱр вӱтат Арантӱр пӱвылт ӱнлыс, сӱв мӱхум тот ӱлыс. Тот лӱпка, пӱльницат, нӱнӱ вӱрнэ кол, школа рӱпитасыт. Ос мӱнӱщит тот ӱлсыт ман ӱти, нӱмхотӱют ат вӱг. Тувыл 1970 тӱлытт пӱвлыҗ мир пуссын хоттал миныгласыт, ӱлнэ мӱнаныл манрыг оссувласаныл, ӱс ат вӱглӱв. Та мӱт ӱнттум колыт ты мус ӱнлӱгыт, тот анӱ Советский лесхозт рӱпитан мӱхум ӱлӱгыт, хунӱ вӱр сӱгруҗкве ялантӱгыт, тот ӱт хӱлӱгыт.

«Кондинские озёра» мӱн археологыт, учӱеныит акваг ӱхталӱгыт, ты мӱ ханищтӱгыт. Тӱн пӱс йис порат ӱлум мӱхум пормасаныл, рӱктыл вӱрим ӱныт, олн аргин ос мӱт кӱрыл вӱрим пормасыт хӱнтсыт. Лӱмӱя ос Арантӱр вӱтат пӱс савынканыт ӱлӱгыт, хотӱют ос хоты порат тот ӱл-щӱпитавӱсыт, ӱс ханищтӱгыт. Ос мӱт ят ос тӱрыт археологыт сӱв пӱс пормасыт хӱнтсыт. Окунӱвские тӱр аква карыс мӱ ӱлы, тот, улпыл, мӱнӱщит ӱлсыт. Мӱн пуссын ты мӱ «мӱнӱщи пӱвлыг» лӱвилӱв. Тот хосат тӱгыл нӱмхотӱют ат ӱлы, тувыл пӱвылт ӱнлын мӱ лап шар ат яныг-

маве, харамӱг тох та ӱлы.

Мӱ-вит ӱргалан хӱтпат рӱпатаныл

«Кондинские озёра» нампа мӱ-вит ӱргалан мӱт 27 ӱлумхӱлас рӱпитӱгыт. Кит хӱтпагув СВО мӱт хӱнтлӱг. Мӱхманув пуссын яныг рӱпата вӱрӱгыт. Инспекторыт вӱрн акваг ялантӱгыт. Тӱн тот сӱт хӱтал ӱлӱгыт, тувыт мӱт кит хӱтпаг тув рӱпитаҗкве минӱг.

Ёргалан мӱвт сӱвсыр вӱрӱит ӱлӱгыт. Сӱрпыт солвал сака нӱлантӱгыт, инспекторыт тӱн мӱгсыланыл пӱртныл солвал хурат вӱрӱгыт. Ёргалан мӱв янытыл анӱ сӱв тамле ут ӱлы. Товлыҗӱит мӱгсыл ӱми пӱнтсыл колхусапыт вӱрӱгыт. Тӱн мӱҗиянылтув пинияныл. Инспектор хӱтпанув мӱв янытӱтыл 30 тамле колхусапыт тагатасыт.

Научный отделыт рӱпитан хӱтпат вӱрн ӱс вӱтихал ялантӱгыт, манхурип пил тӱлыс, сӱв ман ӱти, манхурип лӱхсыт, лӱптат яныгмасыт, пуссын нӱпакын хансыяныл.

ӱс аква отделыт рӱпитан мӱхум нӱврамыт ханищтӱгыт. Агиришит, пыгришит вӱтихал мӱн палтув ӱхталӱгыт. Мӱн тӱнаныл ӱцлахтын хӱталыт порат вӱрн тотыглыанӱв, тот мӱн яныг кол ӱнӱщӱв. Тот нӱврамыт ӱт хӱлӱгыт. Мӱ-вит ӱргалан тӱла урыл потырытыанӱв, манхурип ййвыт тот яныгмӱгыт, манхурип вӱрӱит, товлыҗӱит ӱлӱгыт, ос сӱв мӱттӱлатурыл пӱмщалыанӱв. Тамле



Ишхипыҗ мӱт вим хури

Мӱ-вит ӱргалан мӱт рӱпитан мӱхум

рӱпата таимӱгсыл вӱрӱв, нӱврамыт мӱнӱтӱгыл мӱ-витув вос ӱргалӱгыт ос янытлӱгыт.

Вӱр ӱл-сӱгрукес, сӱлыт холтвӱсыт

1970 тӱлныл 1990 тӱл мус Советский район янытӱтыл вӱр ӱл-сӱгрукес, тӱнт сӱлыт ӱлнэ мӱ тӱл та хулытсыт. Ты ӱлы-пӱлт ты мӱт 12 сӱтыра арыгкем сӱлыт ӱлсыт. Тӱнт вӱр сӱгрын мӱхум ос нас пӱх хӱтпат сӱлыт ӱлаты пуссын алсаныл. Ос 1980 тӱлыт сака сӱв вӱр нӱин ӱсвес, хулытум сӱлыт мӱт мӱн, улпыл, миныгласыт. Хунӱ «Кондинские озёра» ӱргалан мӱ вӱрвес, тыт 100 сӱлы хулытыс. Аква порат нила сӱлы туп ӱлыс. Юи-ӱвыл тӱлыт ӱргалан мӱвт 24 сӱлыт ӱлӱгыт.

Анӱ вӱр мори тох воссыг ат сӱграве. 1970 тӱлытт ӱл-сӱгруким вӱр пӱнтсыл мӱт ййвыт яныгмасыт. Матахкем тӱл тах ювле хулыты, тӱн яныг ӱмтӱгыт, тӱнт сӱлыт, ӱрыҗ, сӱвмунҗке патӱгыт. 12 сӱтыра сӱлыт тыт ке ӱлмыгтӱгыт, мӱн тах сака щӱгтӱв.

Людмила ТЕТКИНА



Тамле потыр 2002 тәлт «Лүймә сәрипос» №21 (523) газетат хөнтлум хум урыл хансым блыс. Наталья Васильева хансыглам потре.

Мәньщи мир ос саран мир Хальүс район Сүкырья павылт колхоз вәруңке патсыт.

Мәньщи ос саран мир сәв рүпитасыт

Тән колхоз мәгыс сәв арыг пормасыт майласыт – лувыт, пәлят ос поснэ мисыт. Овыл колхоз председателиг саран хум Пётр Иванович Артеев блыс.

Мәньщи мир колхоз мәгыс пөраң хәпыт мисыт. Тувыл мәньщи ос саран мир война элы-пәлт Сүкырья павылт мә харамтаңке патсыт. Тән этэ-хөталэ акваг рүпитасыт, ййв сәгрысыт, ййв тәрыт маныгтасыт. Тувыл колхоз тәпкан акваг тәлтүңке та патвес. Щәр бвлэт картопка тәлтвес. Сүкырья павылныл Великий Отечественный войнан сәтлов арыгкем хөтпа минасыт. Ты Василий Артеев. Тувыл нйврам хаништам хум Григорий

Григорьевич Репешко, тав Сталинградский битва мәгыс хөнтлыс, хунь юв ёхтыс, орден «За победу» мәглэт блыс.

Сүкырья павыл мәхум война блум порат сав тәрвитуң рүпата вәрсит. Тән павыл ляпат мә харамтасыт. Мәньщи нэт, саран нэт план төвылттан мәгыс хул алышласыт, толгысыт, пил вәтсыт. Тән саңквлыпил, тәхтпил, морах ос лям вәтсыт. Тувыл вәтум пиланыл план төвылттан мәгыс мисаныл. Мәньщи ос саран мир сәв рүпитасыт, тәрвитуң рүпата вәрсит ос план төвылттасыт.

Хул алышлан мәхум палт бригадыг саран хөтпа Василий Филиппов

блыс. Хул алышлан мәт рүпитасыт Мария Васильевна Канева, Анастасия Гавриловна Сайнахова, Прасковья Михайловна Сайнахова, Мария Константиновна Албина, Пётр Фомич Сайнахов ос юртэ Дарья Ивановна, Елена Алексеевна Канева ос мөт кәркам ос ёр хөтпат рүпитасыт.

Яныг Победа хөтал мән тәнаныл щар мәк янытлыянув. Тан войнан ат ялсыт, тылт рүпитасыт, мәв вуянтасыт. Ты кәркам, ёр, сөрниң мәхумке акваг яныг план төвылттасыт, Победа хөтал ляпматасыт. Ты мәхумакве мән нәмхуньт ат ёрувлянув, тәнаныл яныг пүмаципа ләтың ләвёв!

Хөнтлум вәрмалъ лёңхыл

Тамле потыр 1994 тәлт «Лүймә сәрипос» №15-16 (136) газетат хөнтлум нак урыл хансым блыс. Екатерина Канева хансум потре. Тәв хөнтлан мән ялыс, Ветеран труда, Сургут үст «Фронтовые подруги» нампa клуб яныг кўщай нэ.

Екатерина Канева тох хансыс: «Мәнь порамныл ам хаништан нэг олүңке тахсум. Таимәгыс Ишимский педтехникумын хаништахтуңкв минасум. Хаништахтуңкв иң ат бвылтахтасүв, хумус яныг лёлъ вәрмалъ капай ёмтыс.

Яңк нәтнэ этпост 1942 тәлт ам Ишимский райвоенкоматыл Советский Армиян бөввёсум. Овлэт мән Новосибирский школат младший командирыг хаништасевсүв. Тувыл ам юртнэм ёт

хөнтлаңке та кетвёсум.

Тыхөтал мус номёгум, хумус Сибирский ротат Новосибирск үсхұлы хосыт ёмсыт, хумус хөнтлаңке кётым нйврамыт щәняныл лүщсыт...

Вокзалт мән «телячий» вагонын үнттувесүв, тох мән Москва үс мус минасүв. Тот Казанский вокзалт ам ос онтолов юртанум авиадивизия 14 ротан кетвёсүв. Мән Ярославль үс мус поездыл минасүв. Миннэв порат мән эшелонув нумыл товлыңхәпыл бомбал пәхвтуңке пат-

вес. Сака пилыщман блыс. Төнт ам усыты алам элмхөлас кәсаласум... Элалъ дивизия штаб мус машинал минасүв. Тот ам Аня Мудракова, Шура Амбросимова, Наташа Блинова иң мөт юртнэт ёт телеграфист-радистыг олсум. Тох ам хөнтлан порам бвылтахтас.

Мән дивизияв Ленинград үс, Курск үс, Орёл үс пөхат хөнтлыс. Мән, радистыт, пуссын, мөт войскат ёт, дивизия штаб ёт связь вәрыгласүв.

Мәнь таквс этпост 1944 тәлт Восточный Пруссият ам ранитавёсум. Акв кәтум та пораныл щар рүпитаңкв ат вёрми. Пусмалтан кол юи-пәлт ам 1945 тәлт тәл котиль этпост Украинан

инженерно-саперный бригадан кетвёсум. Ты бригада ёт мән сәв павыл «висүв». Ос та тәлт яныгпөлъ этпост мән Прага үст Чехословакият День Победы урыл ләтың хулсүв.

22 щислат лүпта этпост 1945 тәлт Прагат мән парадыт ёмсув. Нәматыр атномёгум, топ хумус мән «Ура!» рөхсүв, номёгум.

Вөртур этпост ам юв, Россиян, ёхтысум. Сәв медаль ос орден оньщёгум: «За победу над Германией» ... Хөнтлан вәрмалъ порат ам сәв кәсаласум, сәв юртнэ ос юрт тот хультуптасум. Таимәгыс мән, хөтют тот блыс, таңхёв, нәмхуньт хөнтлан нак ул вус паты, пуссын мәт Мир вус блы!»

Сүкыръя павыл Экваг-ойкаг потыр

Тамле потыр 2001 тәлт «Лүймә сәрипос» №13 (463) газетат хөнтлын нак порат ос та юи-пәлт рӯпитам хөтпаг урыл хансым җылы. Ань яныг хөнт нак оигпам пәсныл нәлсәт тәл төвлыс. Ты махум кәстыглан магыс мән тән уранылт та потрыт җс хансыянүв. Хәльүс районт Саранпавыл ляпат Сүкыръя павыл җлы, тот мәньщи Экваг-ойкаг җт потыртасум.

Николай Васильевич Вьюткин 1929 тәлт Хәльүс район Сүкыръя павылт самын патыс. Тот мәньтәгыл акваг җлы. 1941 тәлт таквсы порат «Карл Маркс» намыл маим колхозт рӯпитаңкве җвылтахтас. 1942-1943 тәлыгт Саранпавыл пәрмат мисыт үргалым рӯпитас. Туи порат мисыт посуңкве пәрман нйвлыгласанә, поснә юи-пәлт ос ювле тәнә мән нйвлысанә.

1944 тәлт Николай Васильевич хул алышлан пиркатан вуйвес. Тән Хартум павыл ляпат нялк ос сорых алышласыт. Пувум хуланыл йив пущкат солвалтасаныл. Тувыл Саранпавылт тотсаныл ос ледникын майлысаныл.

Төнт моторхәп әтим җлыс, махум кәтыл товим хуриңхәпыл яласасыт. Төва мāt хәпаныл пещовлыл харттысаныл, сака тәрвитың җлыс. Эт



Н.В. Вьюткин, 2001 тәл



А.К. Вьюткина, 2001 тәл

улумтәл тох та рӯпитасыт. Саранпавылт хуланыл мыганыл, тәра ювле хул алышлан мән товәгыт ос җлалә толгәгыт. Тав җтә атхуйплов манос хөтхуйплов тәл яныт пыгыт хул алышлым рӯпитасыт.

Тәлы порат ос вөрт нәхыс ос ләңын алышлым яласасыт. Хөнтлын нак пөйтум юи-пәлт, Николай Васильевич сәв пушнина кәтын-паттуме магыс область пәлыл яныг кӯщайнт почётный грамотал майвес.

1948 тәлт хум Люлю-

кары павыл леспромхозн рӯпитаңкве кәтвес. Тот вөр яктысыт, тәстум норыт павылн тәнки хартыгласаныл. Мощ тот рӯпитас, ювле Сүкыръя павылн җхтыс. 1949 тәлт Хослох павыл ляпат вөр яктым рӯпитас.

1950 тәлт Николай Васильевич нә тотыс. Экватә Агафья Кирилловна Вьюткина, әги җпарищ наме Анямова. Тав Мәсыг павылт 1929 тәлт самын патыс. Тувыл тән щәмьяң тәгыл Лөпмус павылн вәнтлысыт, омаге-әтяге

тот колхозт рӯпитасыг.

Җтыл хунь Агафья яныг җмтыс, тав җс колхозт рӯпитаңкве җвылтахтас. Яныг хөнт нак пөйтум юи-пәлт, 1957 тәлт мәньлат нә Хәльүсныл акв яныг җйка җт сәлыл колас хартуңкве ат щәс яласәлыс. Та юи-пәлт леспромхозт кит тәл рӯпитас. Кит тәл ос Хөрыңпавылт извәстка хартым рӯпитас. Хоталь әти акваг сәлыл яласас. Ащирмат, харамәт тәрвитың рӯпата тох та вәрыс. Тувыл хум вәрыс ос Сүкыръя павылн та тотвес.

Николай Васильевич Саранпавылт школа, лувкол, китнакпа колыт унттым сәв тәл плотникыг рӯпитас. Николай Васильевич ос Агафья Кирилловна Вьюткиныг ты тәл сас нәлсәт нупыл кит тәлыг төвлувесыг. Ты тәлытныл тән хөтпан нупыл кит тәл аквәт җләг. Экваг-ойкаг сәт нйврам янмалтасыг. Нйвраманән пуссын пус-тәгыл яныгмасыт. Ань ушлахтым юн җләг, нйвраманән ос апанән нә-тавәг.

Николай МЕРОВ



Сүкыръя павылт хөнтлум нак кастыл памятник вәрвес



<p>Лүймә сәрипос (Северная заря) № 16 (1346), 21.08.2025 Соучредители Дума, Правительство ХМАО – Югры Издатель Департамент внутренней политики ХМАО – Югры</p>	<p>Редакция Главный редактор – Алексеева Н.Г. Телефон (3467) 33-17-52 (д 500) Заместитель главного редактора – Кондина Г.Р. Телефон (3467) 33-17-52 (д 501) Ответственный секретарь – Ромбандеева С.М. Телефон (3467) 33-17-52 (д 507)</p>	<p>Адрес редакции и издателя: 628011, г. Ханты-Мансийск, ул. Комсомольская, 31 тел./факс (3467) 33-17-52 (д 510) E-mail: gazeta@khanty-yasang.ru Газета размещена на сайте www.khanty-yasang.ru Отпечатано: ООО «Печатный Мир г. Сургут», ул. Маяковского, д. 14.</p>	<p>Индексы 04399, 54399 Тираж 1798 экз. Заказ 3429 Цена свободная Мнение авторов публикаций не обязательно отражает точку зрения редакции. Газета зарегистрирована Управлением Федеральной</p>	<p>службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО. Свидетельство о регистрации ПИ №ТУ 72-00795 от 23 января 2013 г.</p>	<p>12+</p>
--	--	---	--	--	------------

Опам хөнтлум мāt сакватавес

Ам бпам Енизоров Василий Мануйлович яныг хөнт порат хөнтлас. Тав 1906 тәлт вөртур этпос хұрмит хөталәт Омский областит Микояновский район Луи Нярхумит павылт самын патыс. Ётыл блнә мāv Тюменский область нупыл тұлвес ос Октябрьский районыг намаявес.

Войнан 1941 тәлт тотвес, Ленинград ұс вуянтым хөнтлас. Лүймāt блнә вōраян ос хұл алышлан хумыт писалил сака ёмашакв пәлтуптасыт, тыймәгсыл пуссын тув кетвёсыт. Хөнтлам мāt бпам тәкыщ сакватавес.

Ётыл ты пилышман вәрмалы урыл тав потыртәлас: «Сунсәгум, ёмаспал кәтум лыпашиг олы, нас хосыгхаты, кәлпум такем та сәсхаты. Кит ләккарыг әнумн нәгуңкве, улпыл, тахсыг, кәтум хот-сартуңкве патсыг. Ам тәнәтән ләглыл сәңхиягум, хоттуясаңкве таңхиягум кос, тувыл вәгтәл патсум ос ты юи-пәлт воссыг нәматыр аты номәгум».

Төнт Василий Мануйлович ёмаспал кәтә тәл хультыс ос пұльницат хоса пусмалтахтас. Агмың-мосың хөтпаг ловиньтаңкве патвес. 1942 тәл оигпам элы-пәлт юв ёхтыс. Хөнтлам поратә акваг ұлмаястә, йти вәтихал рōңхыс. Ос төва порат «Расцветали яблони и груши», «Выходила на берег Катюша» ос «Пидманули Галю» ос мōт әргыт әргыс.

Юв ёхтуме юи-пәлт колхоз кұшаиг паттувес. Овләт Ялпұс, ётыл ос Мулыпавылт рупитас. Мәхум мис, лув янмалта-



В.М. Енизоров, экватә ос пыгагән – Владимир ос Тимофей, 1940-ыт тәлыт

сыт, хұл алышлым яласасыт, мисвōй, хұлыт ос мōт тәнутаныл пуссын хөнтлан мән кетсаныл. Рупитан хөтпанә тав тәкыщ бщсанә. Туи рупитан мәхманә уральтаңкве хәпыл мины. Тувыл акв кәттәл товункве ат вөрми, мәнә пыге Тимофей (ам әшум) товункве ұнттытә. Опам хәп пōсмет ұнлыс ос тұпыл нас нётыс.

Щащәквам ос бпам нила нйврам бщсыг – Александр, Пётр, Глафира ос Тимофей. Щащәквам Авдотья Ивановна Енизорова, такви бпарищ наме Лельхова, хөнт порат сака сәв рупитас. 1942 тәлт яныг вит олыс, пәвлув ос тәпакан әмаравес. Төнт щащәквам әмарам картопканә нōххиласнә ос пәгнув тōсам мән ұнттысанә. Акваг сәв рупитым әгмыл ёмтыс ос 1948 тәлт хотталь щалтыс. Ётыл бпам Гришкина Матрёна Андреевна ёт акван-минасыг.

1976 тәлт бпам акв ләглә хот-яктувес, тыи юи-пәлт ёмыгтаңкве вос-

сыг ат вөрмыс, Глафира әгитә палт олыс.

Әквум ты вәрмалы урыл тыи потыртәлас: «Ашум вәңксаңкве шар ат таңхыс, хуйнә мәнә нōх-унтуңкве ос вөрмыс, ләвыс, пуңке сака ёңхи. Сунсым хумустав савалы, сымумт сака тәрвитуң олыс».

Опам 1979 тәлт яныг-пōль этпост әтимыг ёмтыс, төнт тав 72 тәлэ тōвлыс. Хөнтламе ос кәркамыг рупитае мәгсыл мәглын тагатан сәв пōсыл ос янытлан нәпакыл майвес.

Тав мәнәщи пēs йис вәрмалит вәнә хөтпаг олыс. Лүй Нярхумит павылт олум нә Тынзянова Надежда Андреевна потыртәлас, Уй ййквнә мāt Отыр-ики ййквнә порат бпам акваг Тәкики ййкв ййквыс. Пēs мәхум ләвыгласыт, Тәкики ос акв кәт тәл олыс. Тыймәгсыл бпам ты ййкв ййквыс.

Ам әшум Енизоров Тимофей Васильевич колтәглыт шар мәнә нйв-



В.М. Енизоров, экватә, Людмила ос Валя

рамыг олыс. Тав 1936 тәлт самын патыс, школан ат ялантас, хансуңкве ос нәпак ловиньтаңкве ат хасыс. Әщән акваг нётыс ос колсори рупата вәрыс: ұльюв сартыс, вит тотыс, кұр пәлтыс, тәнут пайтыс. Колхозт рупитас, тәлы мисыт, лувыт ұргалас, туи пум вәрим яласас.

Атям ос кит щēs нә то-тыгалас. Овыл нәтә щә-нән-әщән шар ат әрупта-вес, тән Тимофей нупыл ләвсасыг, манән сака савың, колсори рупата шар ат вәри, туп павыл хосыт мұйлым яласы. Ты юи-пәлт пыгән нәтә ёт киттыг-минасыг. Щәнен-әщән ләввес, Лильпи павылт блнә кәркам мәнәлат әги Ярлина Зоя Николаевна нәг вос тотытә. Төнт Тимофей Лильпи павылн Зоя (ам әңкум) пәлт ялан-таңкве патыс. Овләт мәнә-лат нә ат кәсашас, тувыл Лүй Нярхумит хумитә палт вәнтлас. Тох щәня-гум-әшагум акван-мина-сыг.



Галина Тимофеевна Енизорова кетум потре мәнәщи ләтңыл Л. ТЕТКИНА хансыстә